

**Dissertatio inauguralis medica de contusione uteri eiusque effectibus in
gravida ... / [Friedrich Wilhelm Drechssler].**

Contributors

Drechssler, Friedrich Wilhelm.
Büchner, Andreas Elias, 1701-1769.
Universität Halle-Wittenberg.

Publication/Creation

Halae Magdeburgicae : Typis Joannis Christiani Hendelii, [1753]

Persistent URL

<https://wellcomecollection.org/works/nfjn4f4t>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

3/2

20895/p

73776

DISSERTATIO INAUGVRALIS MEDICA
DE
CONTVSIONE VTERI
EIVSQUE
EFFECTIBVS IN GRAVIDA

QVAM
SVB AVSPICIIS SVMMI NVMINIS
ET
CONSENSV GRATIOSAE FACVLTATIS MEDICAE
PRAESIDE

VIRO ILLVSTRI, EXCELLENTISSIMO ET EXPERIENTISSIMO
DOMINO

D. ANDREA ELIA BÜCHNERO

SACRI ROMANI IMPERII NOBILI,
POTENTISSIMO PRVSSIAE REGI A CONSILIIS INTIMIS,
MEDICINAE ET PHILOSOPHIAE NATVRALIS PROFESS. PVBL. ORDINARIO,
FACVLTATIS MEDIC. H. T. DECANO,
IMPERIALIS ACADEM. NATVR. CVRIOSOR. PRAESIDE
ET COMITE PALAT. CAESAREO,

PRO GRADV DOCTORIS

SVMMISQUE IN MEDICINA HONORIBVS ET PRIVILEGIIS
DOCTORALIBVS LEGITIME IMPETRANDIS,

D. III. MART. A. S. R. C. D. MCCCLIII.

IN ALMA REGIA FRIDERICIANA

PVBlice DEFENDET
AVCTOR

FRIDERICVS GVILIELMVS DRECHSSLER

NVMBVRGENSIS MISNICVS.

Brüning 1771

HALAE MAGDEBVRGICAE,
TYPIS IOANNIS CHRISTIANI HENDELII, ACAD. TYPOGR.



VIRO
*PRAENOBILISSIMO EXPERIENTISSIMO
ATQVE DOCTISSIMO*
DOMINO
**IOANNI MELCHIORI
DRECHSSLER**

MEDICINAE DOCTORI CELEBERRIMO,
SEREN. SAXON. DVC. WEISSENFELS. ET QVERFVRTHENS.
CONSILIARIO ET ARCHIATRO,
SYMME REVERENDI CAPITVLI ET CIVITATIS NVMBVRGENS.

VT ET

SCHOLAE REGIO-ELECTORALIS PORTENSIS
AC PRAEFECTVRAE FREIBVRGENSIS
PHYSICO ORDINARIO,

PARENTI OMNI PIETATIS
ET OBSEQVII CVLTV
AD VRNAM VSQVE COLENDO DEVENERANDO;

PRO

TANTO A PRIMIS STATIM INCUNABVLIS
AD HOC VSQVE VITAE MOMENTVM
IN SE CVMVLATISSIME COLLATO
AMORE VERE PATERNO,

PRO

SVMMA AC INDEFESSA
IN ADDISCENDA SALVTARI ARTE SIBI PRAESTITA OPERA,

PRO

SINGVLARI AD SALVTEM SVAM EFFICIENDAM
ET PROMOVENDAM CVRA,

PRO

CETERIS DENIQUE OMNIBVS
VERE NON SATIS ENVMERANDIS
MVLTO MINVS AVTEM REMVNERANDIS
BENEFICIORVM GENERIBVS,

QVALEMCVMQVE

HANC INAVGVRALEM DISSERTATIONEM
CEV GRATI ANIMI TESSERAM
CVM ARDENTISSIMIS

PRO TAM

BENIGNI PARENTIS PERPETVA SALVTE

ATQVE

TVM ANIMI NON INTERRVPTA TRANQVILLITATE
TVM CONTINVA CORPORIS INCOLVMITATE
VIRIDIQVE SENECTA CONCEPTIS VOTIS
MEMORI PIAQVE MENTE
DICAT ET OFFERT

FILIVS OBSEQVIOSISSIMVS

FRIDERICVS GVILIELMVS DRECHSSLER.



DISSERTATIO INAUGVRALIS MEDICA
DE
CONTVSIONE VTERI
EIVSQUE EFFECTIBVS IN GRAVIDA.

PROOEMIUM.



Corpus humanum, singulari plane artificis sapientissimi ingenio, secundum mechanismi leges, constructum, atque ex diversis valdeque differentis naturae ac indolis partibus conflatum, morbis admodum variis fereque infinitis, post primorum parentum lapsum, est obnoxium. Nullus enim umquam mortalium gloriari potest, se omne vitae suae curriculum ab afflictio-

nibus morboſis immune tranſegiffe, quamvis alter prae altero mitius graviusve aliquando aegrotaverit. Mares atque foeminae pari utuntur fortuna, & ſexu uterque ſuos patitur ma-
 nes, licet frequentius graviusve ſequior morbis laboret, adeo ut, HELMONTII effato, foeminae morbos duplo patiantur maiores. Sexus equi-
 dem nobilior ſat ſaepe graviter adverſa premi-
 tur valetudine; attamen, teſtante experientia, certiffima in rebus probandis magiſtra, ſuffra-
 gantibusque celeberrimis & fide dignis medici-
 nae auctoribus *a)*, nihilominus adſertum hoc, foeminas prae viris frequentius morbis expoſi-
 tas eſſe, extra omne dubium eſt poſitum. Fa-
 cile etiam adſerti huius patet veritas, ſi modo utriusque ſexu differentiam, ratione habitus
 corporis atque conſtitutionis, paulo accuratius conſiderabimus. Foeminae quippe prae viris
 multo ſpongioſiore gaudent corporis textura,
 vaſisque longe exilioribus ſunt praeditae, &
 non modo debiliore prae illis gaudent perſpi-
 ratione, ſed multo etiam citius *ἀκμὴν* incrementi
 ſui adipiſcuntur; hinc plethora, foecundiſſima
 morborum mater, indeque huius perpetuus
 fere

a) Inter alios vid. Ill. b. m. HOFFMANNVS, Med. rat. ſyſtem. Tom. III.
 Sect. I. p. m. 9.

fere comes, humorum impuritas, suboritur, uberrima afflictionum morbosarum genitrix. Praeter haec vero, infimul systema nervosum multo prae viris debilius, longeque tenerius & ad spasmodicos varii generis adfectus facile suscipiendos admodum proclive, obtinuerunt foeminae, imo, quod maximum est, peculiari adhuc instructae sunt viscere, utero scilicet, in pelvi sito, prorsus fere vasculoso, nec parum elastico. Hic enim ob singularem, qua gaudet, substantiam atque texturam admodum intricatam, non modo ipse innumera, eaque gravissima experitur mala, verum etiam, sicut ex polymorphi illius mali hysterici tyrannide videre licet, ingentes reliquo corpori infert calamitates. Constat namque membranis fibrisque nervosis ac musculosis admodum sensibilibus, vasis arteriosis pariter ac venosis, anastomosibus mirum inter se in plexus reticulares intortis, totamque uteri molem ambientibus, & vario ubique flexu perreptantibus. En igitur fontem causarum adversae valetudinis uberrimum! En scaturiginem symptomatum foecundissimam! Unde divus ille Senex, HIPPOCRATES *b)*, suo iam aevo uterum, si non omnium, attamen plurimorum
causam

b) vid. eiusd. Tom. II. Sect. IV. Cap. de morb. mulier. II.

causam morborum recte appellavit, suisque ad posteritatem transmissis monumentis eleganter prodidit, pathematibus, ex muliebri hoc viscere oriundis, omnes fere ac singulas, cuiuscunque demum conditionis foeminas, virgines pariter ac viro nuptas, pro diversa natura aliarumque circumstantiarum ratione, plus minus graviter frequenterque esse obnoxias. Quae vero licet ita sint, nihilominus tamen, testantibus auctorum observationibus, mulieres utero gerentes longe adhuc saepius graviusque cum varii generis malis, ex utero provenientiibus, conflictari debent. Etenim non omnes solum morbos, in matrice fundatos, & ab internis causis subortos, cum virginibus communes habent, verum etiam aliis subinde malis, a sola graviditate pendentibus, seu praegnantibus tantum propriis, vexantur, & insuper quoque propter uterum, magnam in molem expansum, indeque inductam abdominis distensionem & amplitudinem, variis iniuriis externis, ut lapsui, al-
lisionibus & contusionibus, maxime patent, non sine vitae periculo; siquidem, adferente Illustr. BOERHAAVIO c), inter periculosissimos gravidarum morbos fluor uterini sanguinis iure habendus

c) vid. eiusd. Aphor. 1703.

bendus est, qui a violentis percussionibus inferioris partis abdominis facillime excitatur *d*). Quin in ipsum pariter foetum, in utero contentum, haud raro ab externa contusione maxima redundat noxa, quod dudum iam venerandus noster Antistes, HIPPOCRATES *e*), bene perspexit atque in hunc modum, pro more suo, doctissime innuit: *Si mulier in ventre habens aegrotarit, aut debilis fuerit, aut onus levarit, aut percussa fuerit, &c. foetum corrumpet.* Et alibi rursus *f*), *mutilum*, inquit, *in utero puerum sentio aut contusum, ex matris uterum gestantis plaga, aut eiusdem lapsu, aut alio quopiam violento adfectu matri accidente; qua vero parte mater plagas acceperit, ea puer mutilatur.* Nolo iam plures adhuc alios effectus, a violentiis externis, abdomini gravidarum inflictis, oriundos, in medium proferre, sed iam in elaborando qualicunque profectuum meorum specimine occupatus, eos tantum accuratiori paulo examini pro viribus subiiciam, quos speciatim a gravi abdominis praegnantis contusione subnatos memini. Atque seligendo huic themati ansam praebuit casus quidam notatu dignissimus,

B quem

d) ibid. Aphor. 1306.

e) Tom. II. Cap. de morb. mulier. §. XLI.

f) Tom. I. Sect. III. Cap. de Genitur. in fine §. VIII.

quem parenti meo honoratissimo, Practico apud Numburgenses satis celebri, debeo. Ab Academia enim domum revocatus, quum eundem per integrum, & quod excurrit, biennium, in addiscenda praxi clinica ducem haberem fidelissimum dexterrimumque, atque hac occasione ephemerides ipsius practicas, magni momenti casibus tam clinicis, quam forensibus, & ex sectionibus quoque cadaverum accurate collectis refertas, diligenter perlustrarem, incidebam, qua nescio felicitate, in praesentem casum, qui de vehementi uteri in gravida contusione, indeque facta eiusdem inflammatione & sphacelosa resolutione agit, quemque nunc B.L. offero, & eo potissimum fine fundamenti loco huic tractationi substerno, ut ipsius intuitu noxios illos effectus, qui a contusione, utero illata, oriri possunt, considerare & pro viribus explicare valeam. DEVS autem immortalis benignissimusque, quem tamquam summum Archiatrum, rerumque omnium salubrium conditorem omnipotentem, pia ac devotissima mente veneror, secundet conatus meos, faxitque, ut omnia in sui sanctissimi nominis gloriam, meumque ac aegrotantium emolumentum cedant atque succedant feliciter!

CASVS.



CASVS.



Foemina quaedam rustica, utero gerens, in pago quodam haud procul Numburgo distante habitans, querebatur circa ultimum gestationis tempus, per integras duas hebdomades, de doloribus abdominis magnis, anxiis, vehementibus, qui, variis licet, interne & externe adhibitis remediis domesticis, nihilominus eodem perserverabant gradu, & accedente simul laborioso & inani partus conatu, tres ante obitum dies tanta saeviebant vehementia, ut demum aegrotata, comiseratione vere digna, foetu adhuc remanente, vitam cum morte commutaret. Matrona nobilis atque eiusdem loci haereditaria, singulari misericordia commota, sicut de auxilio atque levamine huic miserae, dum adhuc vivebat, ferendo, valde erat sollicita, ita etiam post eius obitum, causam immanium horum cruciatuum scire cupida, dilectissimum parentem meum requirebat, qui causam mirandi huius status inquireret atque detegeret. Hic cum Chirurgo accedens, mediante sectione abdomen, mali sedem, sedulo aperiri curavit. Hoc aperto, en rarum & admiratione dignum spectaculum! foetus quippe denudatus utroque privatus adparebat. Pusillus hic, masculini sexus, omnino perfectus habitusque carnosus, decumbebat transversim capite dextrorsum in regione inguinali dextri lateris, parte uteri admodum extensa cinctus.

Brachium sinistrum iacebat super thorace, *dextrum* vero, *funiculus umbilicalis* pedesque utrique, in pelvi in situ ad exclusionem naturali haerebant. *Caput* erat obtortum, hinc *collum* extensum valdeque rubicundum adparebat. *Integumenta capitis* subnigricantis erant coloris: *suturae cranii* plus iusto distantiae & ab invicem ex parte separatae conspiciebantur, totumque corpus insignem iam contraxerat putredinem, adeo ut *epidermis* a cute facili separari posset negotio. *Foetu* exempto, *uterus* sub eodem in regione dorsi collapsus, & in medio abdomen respiciente transversim dilaceratus, circa latus vero inferius in regione dorsi parum adhuc cum interiore parte cohaerens reperiebatur. *Fundus* eiusdem valde crassus, sed integer atque illaesus, *cervix* vero, seu pars inferior, tenuioris erat substantiae. *Omnis uteri moles* erat inflammata, nigricantis coloris, sanguineque grumoso repleta, ipsiusque extremitates nil nisi vulnera gangraenosa & sphacelata referebant. *Matricis orificium*, eadem fata expertum, adeo dilatatum adparebat, ut commodè pugnus intromitti posset. *Vagina* denique uteri dextrorsum versus os ischium, ubi foetus caput haerebat, admodum extensa, tenuis & rara comparebat. *Maritus* postea de causa mirifici huius status interrogatus, num forsàn casus, vel ictus, aliave quaedam vis externe illata ansam dedisset? respondit, defunctam quatuordecim ante obitum dies, quum primis tenebris domicilium adire voluisset, abdomen impetuose septi columnae, seu antis bicubitalibus rudioribus, nec a fabro lignario complanatis, quibuscum domus, uti rusticis esse solet, cincta erat, impigisse, statimque post aliqualem in infimo ventre sensisse dolorem, indies ingravescentem atque ad obitum usque durantem. En igitur pessimum contusionis utero inflictæ effectum!

§. I.



Varia quidem, eaque notatu dignissima apud
priscos aequae ac recentiores medicinae
auctores occurrunt exempla viscerum,
a contusione gravissime laesorum, quae ipsa etiam
mors subito & momento fere citius excepit. Ra-
rissime tamen fit mentio uteri foeminarum gravidarum,
a contusione valde laesi & vulnerati, sed levi-
ter tantum adfecti. Verum enim vero, quod ipse et-
iam uterus a sola contusione gravissimam reportare
possit laesionem, inflammationem, & ex hac demum
putridam cum subsequente morte corruptionem,
inter reliquos rariores casus, hic, quem modo protu-
li, ostendit luculentissime. Singulis enim ipsius mo-
mentis probe pensatis, clarissime adparet, uterum
a vehementi abdominis versus truncum durum alli-
sione contusionem accepisse, indeque fibrarum va-
sculorumque uterinorum debilitatem, irritationem
& distensionem fuisse inductam, & hinc sanguinem,
ad vasa semel debilitata & irritata copiosius adpul-
sum, non modo stagnasse, verum etiam, ob causas
quasdam iuvantes, in minimis capillaribus vasculis
stasin concepisse inflammatoriam. Quid vero inde?
ob omissam necessariorum remediorum applicatio-
nem, debitique regiminis negligentiam, partium in-
flammatarum gangraena & ipsa necrosis successit, &
tam a laesi & irritati foetus calcitratione, motu &
tensione versus superiora, quam ab ipsius pondere
& pressione versus inferiora, vterus partim inflam-

matus, partim sphacelatus, plane fuit disruptus, rebusque sic se habentibus mors nullo modo potuit averti. Mortis itaque vera causa fuit uteri sphacelosa corruptio, huius autem rursus sanguinis stagnantis & incarcerati putrida dissolutio, ex stasi inflammatoria subnata, quam matricis contusio produxit.

§. II.

Est autem contusio corporis humani per instrumenta obtusa inflicta laesio, qua innumerae venulae, arteriolae & fibrillae nerveae colliduntur & rumpuntur: seu, quod idem fere, contusio nihil aliud est, quam innumerorum minutissimorum ab extrallatorum vulnerum congeries; vid. *Illustr. HEISTERI Instit. Chir. cap. de Contusione*. Requiritur ergo ad laesionem eiusmodi infligendam corpus durum, obtusum, quod agendo in corporis humani partes solidas, vel resistendo corporis nostri actioni, effectus iam allegatos, solutionem nimirum continui, destructionem partium iusto ordine cohaerentium, & extravasationem contenti fluidi producat, atque innumera fere alia post se trahat mala atque symptomata.

§. III.

Pro diversa corporis obtusi in humanum corpus actione; vel pro differente huius reactione; pro maiori dein vel minori partium corporis vel externarum solum, vel & internarum laesione, & pro partium denique laesarum, plus vel minus nobilium, conditione ac natura, diversi emergunt contusionum gradus. Et quilibet, prout spero, facile perspiciet, laesiones longe graviores oriri, maiusque simul

mul portendere periculum, si externae internaeque partes simul fauciantur, sique hae ipsae sunt nobiliores & ad vitam magis necessariae. Praeter haec vero, quod admiratione pene dignum est, contusiones nonnullae ita sunt comparatae, ut, integris partibus externis g), internas tantum vehementer vulnerent, ideoque omnino inter gravissimas contusionum species numerari debeant: siquidem laesis maxime visceribus sanguineis, ob vasorum maiorum, quibus praedita sunt, rupturam, atque hinc evenientem haemorrhagiam in cavitates enormem, aut plane nonnumquam lethalem, vel ob nimiam saltim vasorum extensionem viscerisque destructionem, incurabilia plane, vel curatu difficillima emergunt pathemata, tum quia raro externis remediis sufficientem concedunt accessum, tum quia gravis eiusmodi interna laesio saepe tam abscondita latet, ut vix ac ne vix quidem satis possit diiudicari.

§. IV.

Quod a contusione externa partes corporis internae pariter ac externae gravissime saepe vulnerentur, ut cita etiam mors interdum sequatur; quod porro interiora viscera, nullis violentiae illatae signis extrinsecus comparentibus, contundi & ad necem usque fauciari possint, crebriores auctorum fide dignissimorum h) observationes luculenter admodum decla-

g) Vid. HEISTERI *Inst. Chir. P. I. Lib. I. Cap. XV. §. 2.* it. BOHNIVS de *Vulnerum inspect. p. m. 12.* Illustr. HOFFMANNI *Med. Consult. Part. VIII. Dec. I. Cas. V. p. m. 32.*

h) Evoluatur inter alios HEISTERVS loc. cit. §. VI. a. & Illustr. HOFFMANNVS *Med. Consult. Part. IV. p. m. 215.*

declarant, quibus satis superque edocemur, sectiones hominum fortiter percussorum saepe post mortem supervacaneas fuisse habitas, quae tamen postea institutae funestam interiorum partium laesionem dilucide ostenderunt. Et quid multa? Nonne ipse casus noster manifesto comprobat, uterum ipsumque foetum a vi externa maxime fuisse adfectum & prorsus laceratum, ne levissimo tamen externo percussione signo comparente, quod praesentiam internae laesionis satis indicasset, nisi alia sat evidentia eiusdem indicia adfuissent.

§. V.

Si quaeris, qui fiat, ut, licet diversae corporis partes externae eadem percutiantur vehementia, in quibusdam tantum livor & fugillatio, in aliis contra nulla appareat? explicatu quidem arduum & difficile primo intuitu videtur: At enim vero, si rem paulo acutiori rimamur scrutinio, observamus, eas solum partes externas, a corpore laedente tactas, non semper ecchymosin offerre, quae neque copiosis, neque adeo magnis praeditae sunt vasis sanguiferis, vel in quibus vasa paulo profundius sita deprehenduntur. Deinde, tum quoque temporis non adeo conspicua fit fugillatio, si partes magis sunt tendinosae ac membranaceae, vel ubi copiosa pinguedo, multis magnisque vasis sanguineis destituta, partibus carnosissimae incumbens reperitur. Et licet sanguis ex ruptis a contusione vasis intus exeat atque stagnet, saepe tamen vel nimis parcus est, vel profunde nimis cruor extravasatus haeret, atque integumenta impediunt, quo

quo minus livor, partibus internis valde sauciatis, externe adparere cernique queat.

§. VI.

Praeter haec vero, alia quoque subest ratio, cur saepe viscera, sine charactere externo, per violentiam graviolem, contundendo illatam, enormiter laedi possint. Etenim si percussio tali corporis regioni infligitur, ubi cuti immediate subiacet viscus quoddam musculosum & vasculosum, copiosis humoribus turgidum, quod actioni externae aequali vi resistit, nulla tunc facile oriri poterit sugillatio externe conspicua. Reactio namque visceris non fit immediate in corpus ab extra agens, sed in partes proxime illi adiacentes; & in abdominis quidem regione, si contusio a plaga antica fit, in interiorem cutis superficiem, quae ob tenuem, qua cingitur, membranam, non tam firma est, quam externa superior; & in musculos abdominales, copioso sanguine turgidos. His autem non solum insignis inducitur debilitas, sed ipsa quoque vasa possunt disrumpi, ut adeo sanguis versus haec loca irritata, debilitata, vel prorsus disrupta, copiose ruat, sicque in externo habitu deficiens stagnare nequeat. Deinceps, sicut supposuimus, ipsa quoque viscera subiacentia, enormiter laesa ac debilitata, sanguinem a partibus externis copiosius ad se alliciunt, vel eundem ex disruptis ipsorum vasis in cavitates plane effundunt; quibus insuper accedit, quod sub improvise eiusmodi casu numquam fere non terror satis gravis & vehemens contingat, sub quo humores, ob spasti-

cam habitus corporis externi stricturam, haud secus, ac in horripilatione fieri consuevit, versus interiora urgentur, sicque ibidem copiosius accumulatur, ut adeo in externo corporis cortice non tam facile stagnare, nec livorem producere possint.

§. VII.

Porro contusiones, corpori nostro inflictae, pro vario vehementiae suae gradu, atque pro diversae partium, quae laesae sunt, conditione ac natura, varios producunt effectus, diversumque sortiuntur eventum. Saepe enim contusionem subitanea excipit mors *i)*, contusis nimirum atque disruptis vasis in partibus ad vitam absolute necessariis, cerebro *k)* puta pulmonibusque *l)*; vel si alia viscera sanguinea *m)* adeo sunt sauciata, ut haemorrhagia summa & lethalis sequatur. Saepe etiam oriuntur a contusione stases sanguinis *n)* atque ipsae inflammationes *o)*, quae cum funestis effectibus suis praesertim in mollioribus multisque vasis sanguiferis & arterio-lymphaticis eveniunt partibus. Nam raro per exigua modo vulnera humorum inter partium substantiam fit extravasatio, quae, pro maiori vel minori cruoris in carne collecti copia, varia rursus infert confectaria. Frequenter etiam oriuntur abscessus
atque

i) Vid. HEISTERI Inst. Chir. P. I. Lib. I. Cap. XV. §. II.

k) Ibid. Cap. XII. §. I. RVYSCHII Obs. XLVII.

l) HEISTERVS loc. cit. Cap. XV. §. VI.

m) HEISTERVS ibid. ubi varia exempla a se ipso observata fuisse refert. BOHNIVS de Offic. Med. dupl. Lib. 2. Cap. 4.

n) BOERHAAVE Aphor. 375.

o) Idem Aphor. 327.

atque ulcera *p*) , vel humor extravasatus in corruptionem abit gangraenosam *q*) ipsumque excitat sphacelum. Aliquando vehemens a contusione exsurgit spasmus, vel insignis quibusdam partibus inducitur debilitas, ut humorum postea stagnatio, huiusque effectus sequantur. Imo tandem quoque scirrhus *r*) multaue alia a contusione progignuntur mala. Quum vero generalem contusionum descriptionem exhibere instituti ratio non permittat, sicco hanc ipsam transimus pede, paulo altius investigaturi uteri substantiam eiusque in statu graviditatis constitutionem, ac insimul probaturi, quod uterus in tali statu non solum contusionem pati, graviterque laedi queat; verum etiam, quod aeque ac in aliis eiusdem texturae visceribus, saepe gravissima, & cum vitae periculo coniuncta sequi possint symptomata.

§. VIII.

Vterus, organon illud foeminino sexui proprium, foetusque conceptioni ac nutritioni speciatim dicatum, & primum omnium mortalium domicilium, est pars musculofo-vasculosa, in- & externe membranis cincta, quae extra graviditatem varios quidem perpeti potest morbos, ab internis causis pendentes, ob situm autem profundiore magisque absconditum non adeo facile ab externis laedi & adfici solet iniuriis, quam in statu graviditatis. Facta enim conceptione embryonem continet, cuius mem-

C 2

branae,

p) HEISTERVS loc. cit. Cap. XV. §. IV. & Lib. V. Cap. I. §. V.

q) Ibid. Lib. IV. Cap. XIV. §. III. BOERHAAVE Aphor. 424.

r) HEISTERVS Lib. IV. Cap. XVI. §. II.

branae, eundem ambientes, mediante placenta uterina cum utero concreſcunt, ſubſtantia eius antea compacta ac firma fit ſpongioſa & ſinuoſa, ac parvus antea uterus a foetu ſenſim creſcente tantam in molem expanditur, ut, in iſthmo anguſtae pelvis, quam occupat, amplius commorari nequiens, altius paulatim in epigaſtrium adſcendere cogatur. Hic univerſum fere inteſtinorum volumen contegit, atque offibus ſimul coxae incumbens, partes abdomen conſtituentes, quas immediate tangit, valde extendit. Quodſi igitur violentia abdomini infligitur, non poteſt fieri, quin uterus ſimul, tam quoad externam ſui ſuperficiem, a corpore contuſionem infligente, quam quoad internam partem, a foetu, impetui externo reſiſtente, laeſionem patiatur.

§. IX.

Sed videamus nunc, quare & quomodo uterus, qui extra graviditatem ſubſtantiam habet ſatis firmam atque compactam, a foetu ſenſim in maiorem molem, & quod mirum, ſine craſſitiei decremento, expaſus, ſubſtantiam contrahat ſpongioſam, ſinuoſam, multisque interſtitiis diſtinctam. Puto autem, id ipſum ex ſequentibus fieri rationibus. Et primo quidem, quia orificium uteri poſt conceptionem clauſum impedire ſolet, quo minus amplius conſueta ſanguinis menſtrui ſuccedat excretio. Deinde embryo, primis geſtationis menſibus adhuc exiguus, in ſui nutrimentum non omnem abſumit ſanguinem, qui ideo in uteri viſcere copioſius accumulatur, eiusque vaſa diſtendit. Poſthaec uterus a creſcen-

crescente foetu simul expanditur, hinc fibrae eius musculosae, in statu naturali satis crassae, in longitudinem exporrectae, crassitiem deponunt, subtilioresque evadunt. Hae vero, licet rariores debilioresque fiant, nihilominus tamen, quum vasa sanguifera, confertim hic conspicua, tractuque admodum tortuoso in semet ipsa quasi implicita, ab humoribus copiose adfluentibus nimis iusto replentur, eorumque parietes valde distenduntur & in sinus quasi dilatantur, crassities sive substantia uteri nullatenus diminuitur, sed spongiosa fit, & aequae crassa, ac extra graviditatem, manet.

§. X.

Quod uterus, in primis gravidarum, qui ultimis maxime gestationis mensibus, ob magnam molem suam, in epigastrium adscendit, a violentia externa, pariter ac alia viscera, contusionem pati, graviterque ab illa fauciarum possit, nullus facile in dubium vocabit, qui modo perpendit, quod, suffragantibus auctorum s) codicibus, uterus etiam non gravidus & in abdomine magis absconditus, a contusione externa laedi possit. Hoc autem si fieri potest, eo facilius in statu graviditatis uterus, a foetu expansus, a tactu violento adfici poterit; siquidem ille ipse, in epigastrio latitans, non nisi ab integumentis abdominis, levibus ac parum resistantibus, obtegatur, quae instar tympani admodum extensa, longe tum

C 3

magis,

s) Inter alios vid. Illustr. HOFFMANNVS Medic. rat. system. Tom. IV. Sect. II. de uteri inflammat. & ARETAEVS Lib. XLIV. de causis inflammat. uteri.

magis, quam in statu citra extensionem solito, attenuata esse solent, ideoque vim ab extra illatam arce-
re, uterumque a contusione ac inde pendente laesio-
ne immunem reddere possunt.

§. XI.

Quod vero uterus, in graviditate sic constitutus, non modo contusionem facile perpeti, sed similes quoque effectus, qui aliis visceribus ab eadem causa contingunt, experiri queat, pluribus nunc placet comprobare, simul vero paucis ostendere, quod contusio quidem causa proxima staseos sanguinis inflammatoriae in utero evadere, ipsumque hoc viscus locum primario adfectum constituere possit, ast non adeo crebro, uti vulgo quidem putatur.

§. XII.

Uterus, cuius substantia est spongiosa & sinuosa, atque ex fibris valde expansis constans, est pars mollis. Molle corpus dicitur, quod paucum habet punctorum contactum, quod tactui facile cedit, atque a vi leviori mutari potest *t*). De utero itaque, qua corpore molli, haec omnia praedicari posse, certissimum est.

§. XIII.

Corpus molle, quod paucum habet punctorum contactum, parvam habet cohaesionem *u*). Actio in corpus tale, si maior est, quam cohaesio partium totum constituentium, huius continui solutionem producit. Actio in uterum, cuius partes parum
cohae-

t) Vid. Illustr. HAMBERGERI Element. Physic. §. CXCVII.

u) Ibid. §. CXLVII. num. 2.

cohaerent (§. praeced.), si maior est, quam horum cohaesio, eadem disiunguntur. Ergo etiam levior contusionis gradus talem producere valet effectum, atque maiorem necessario maior. Uterus, ceu viscus sanguineum, i. e. ceu pars ex meris fere vasis sanguiferis conflata, magnam admodum, in statu graviditatis, continet humorum quantitatem. Quod si igitur ipsius partes a se invicem sunt seiunctae, humores, nullam amplius in locis disruptis invenientes resistantiam, extra ruunt atque in cavitates colliguntur. Quo maiora itaque & quo copiosiora per contusionem utero inflicta sunt vulnera, eo quoque maior erit cruoris extravasatio, hinc eo maior humorum a corde & cerebro detractio *x*). Varios autem tunc consequi effectus, citamque mortem non raro supervenire, loquuntur observationes medicae passim.

§. XIV.

Contusiones, partibus corporis nostri illatae, movent inflammationes *y*). Inflammatio semper praesupponit sanguinis rubicundi in ipsis vasis stasis. Stasis sanguinis est plenaria eius quies, vel in ipsis arteriarum finibus, vel in vasis lateralibus arterioso-lymphaticis, secundum naturam rubicundum sanguinem non vehentibus. In ipsis arteriarum finibus

x) Vid. HEISTERI Instit. Chir. P. I. L. I. Cap. I. §. VIII. & XVII. & Illustr. HOFFMANNI Med. rat. system. Tom. II. Cap. IV. §. XXV. & Scholion. conf. Cap. I. §. IX. cum Scholio.

y) Conf. HEISTERVS loc. cit. §. IV. & Cap. de Phlegmone p. m. 269. item SENNERTVS Lib. IV. Sect. I. Cap. XIII. & RIVIERVS Tom. II. Lib. XV. Cap. III.

nibus sanguis statim concipere potest, si venae, arteriis continuae, sunt obstructae, compressae spasmove constrictae, aut alio modo ita dispositae, ut sanguini transitus per eas denegetur. Vascula autem minima arterioso-lymphatica staseos sedem constituunt, quoties illa sanguis rubicundus intrat, atque ire & redire nescius, inibi quiescit. Quod sane eo facilius accidit, quia angusti hi tubuli, ob diametrum suum, diametro globulorum sanguineorum minorem, secundum naturam nullos globulos rubicundos, sed humorem tantum pellucidum lymphaticum, qui vasculorum capacitati respondet, vehere solent. Sanguinis denique in haec vascula introitus adiuvatur, si ea vel admodum sunt debilitata, ipsorumque oscula ita ampliata & dilatata, ut sponte sanguineos admittant globulos; vel si sanguis, vehementer pressus, haec ipsa vasa dilatat, intraque illa ita dilatata impetuosius impellitur.

§. XV.

Ad hos vero effectus producendos variae concurrunt causae, vario modo agentes, inter quas omnino non ultimum sibi vindicant locum ipsae *contusiones*. Sub his enim humores premuntur, fibrillae crispantur, vasa sanguifera comprimuntur, atque eodem, quo parti vis infertur, momento, vascula lymphatica, valde subtilia atque vasis sanguinem vehentibus longe teneriora, debilitantur, dilatantur, destruuntur, ut cruor versus omnes plagas pressus, in illa, ceu loca minus resistentia, intrare necessario debeat. Semper enim eo facilius eoque citius hoc evenire potest, quo mollior est pars, atque quo minor

nor eiusdem, in quam actio fit, resistentia, vel quo maior corporis agentis est impetus: Atque hoc ipsum quotidiana docet & confirmat experientia; siquidem inflammationes, licet in omnibus fere corporis partibus ac regionibus contingere possint & revera contingant, nullibi tamen frequentius, quam in mollioribus & parum resistentibus partibus, adipiosis puta, occurrunt.

§. XVI.

Licet autem inflammationes, sanguinem in stasim prolapsum & incarceratum pro causa agnoscen-tes, in partibus, ob resistentiam parvam, mollioribus, facilius, difficilius autem in partibus, ob maiorem cohaesionem, compactioribus, sub iisdem nimirum causis iisdemque circumstantiis, oboriri possint; frequenti tamen observatione docemur, quod saepius crebriusque a contusione praegressa occurrant in visceribus, quorum parenchyma paulo firmioris est substantiae, ut lien & hepar, quam in utero gravido, cuius substantia est spongiosa, sinuosa, parumque cohaerens & mollis (§. XII.). Rationes huius effectus in ipsa viscerum structura quaerendas esse arbitramur. Et quidem, quoad inflammationem viscerum compactiorum, deprehendimus, quod eorundem parenchyma sit conflatum ex vasis sanguiferis, quorum parietes constant ex membranis nervosis & musculosis, atque copiosissimis eiusdem naturae vasculis lymphaticis, nec non ex fibris musculosis, elasticis, arcte admodum cohaerentibus. Fibrae hae musculosae vasaque ipsa sanguifera, a vi externa illata, spastice sese contrahunt, vasa lateralia arterioso-

D

lymph-

lymphatica, particulas sanguinis rubicundas non vehentia, a vi externa vel plane dehiscunt, vel ita disponuntur, ut sanguini ab ictu partim presso, partim vero vasis sanguiferis sese constringentibus sanguinemque versus alia loca prementibus, amplius resistere nequeant. Vasa enim eiusmodi lateralia seu lymphatica copiose hic reperiuntur, & substantia horum viscerum compacta impedit, quo minus vasa sanguinem continentia statim post contusionem expandi aut dirumpi queant, ut adeo sanguis in ductus seroso-lymphaticos intret, ibique exitu praeclusus stasin concipiat, quam deinde, ceu comes indivulsus, inflammatio sequitur.

§. XVII.

In utero, viscere quidem pariter vasculoso & musculofo, sed cuius substantia in statu graviditatis non adeo firma, sed magis spongiosa, sinuosa & mollis, utraque elasticitatis fere sphaeram extensa est, non tam facile ab externa violentia, eidem illata, stasis inflammatoria oriri potest; cuius phaenomeni rationes ex huius visceris textura ac substantia perinde sunt petendae, nobisque videntur sequentes: Uterus nondum praegnans admodum exiguus & compactus, foecundatus autem magnam in molem expansus, vim suam elasticam quadantenus amittit, atque hinc neque tam facile, nec tam vehementer spastice sese contrahere potest, maxime cum ipsius substantia spongiosa parvam habeat resistantiam. Deinde vasa uteri non modo per se iam in gravidis satis sunt distenta, sed amplius quoque diduci possunt, ut
ideo

ideo humoribus, deficiente praesertim constrictione, adhuc sufficientem concedant transitum : inprimis cum insuper simul accedat, quod pauciora adsint vasa lymphatica. Haec omnia qui probe secum aestimat, lubenter, sicut spero, concedet, ob defectum sufficientis elateris, indeque pendentis spasmi, vasa constringentis sanguinemque in minima vascula urgentis; ob substantiam sinuosam & spongiosam promptius cedentem; ob vasa arteriosa paulo maiora, maiorem dilatationem admittentia, & ob exiguum denique canalium arterioso-lymphaticorum numerum, nullam facile particularum rubicundarum stasin, adeoque nec inflammationem, in utero gravido oriri posse. Hinc etiam penes auctores, maxime recentiores, rarissima inflammationis uteri, in statu gravido ab extra contusi, occurrit mentio, dubio procul, quia raro existit, vel quia eam clinici non observarunt, sed varios potius a tali causa in utero praegnante ortos adfectus & morbos diuturnos, plus minus periculosos, hinc inde annotarunt.

§. XVIII.

Quum vero uterus, foetu repletus, a contusione externa conquassatus, ob substantiam suam non tam pronus sit ad inflammationem subeundam, nihilominus tamen, quamvis oppido raro, in hoc eodem statu, post perpeßam contusionem aliquando solet stasin concipere atque inflammari. Id quod vero tum potissimum accidit, atque eo facilius contingit, quo plures concurrunt causae & circumstantiae, quae vario modo, pro sua varietate, ad inflamma-

flammationem provocandam, sustentandam & adaugendam conferunt. Atque nos quidem credimus, quod uterus, si quam patiat a contusione inflammationem, frequentius per consensum, quam idiothice 2), siue ita inflammetur, ut sedem constituat inflammationis primario adfectam. Hoc ipsum tamen tali ratione potest contingere, si quando uteri fibrae musculosae una cum vasis admodum crassae, robustae & ad resistendum idoneae, in quibusdam locis sese contrahunt, sanguinemque in vascula minima ob spasmum propellunt; vel si humores adsunt copiosi, impuri, crassi, ad stagnandum proclives; si tempestas simul velificatur sicca, calida, aestuans, vel si externa perverse adplicantur acria & irritantia; interna autem adsumuntur valde spirituosa, uterina, ebullitionem inducentia; vel si alia methodus minus conveniens adhibetur, decens vero summeque necessaria intermittitur.

§. XIX.

Dein quoque ideo uterus ipse, seu eius vascula minima & canales lymphatici angustissimi fereque capillares, sanguineae staseos ac inflammationis sedem & domicilium primario adfectum nonnumquam constituere valent. Vascula quippe illa, quae intra vasorum membranas decurrunt, ipsaque musculoso-

- 2) Quamvis inflammationis, a contusione in utero gravido exortae, casus quidam ab auctoribus hinc inde describantur, quaestio tamen incidit, an haec violentia proximam semper constituat staseos sanguineae causam, an, quod saepius fieri credo, procatarcticam?

sculofarum fibrarum interstitia perreptant, & per quae his partibus succus nutritius advehitur, si a contusione praegressa admodum laesa sunt atque debilitata, eorumque oscula magis, quam par est, ampliata sunt, adeoque hiant, ut sanguini, ingressum forsân tentanti, introitum denegare nequeant, maxime si a foetu irritante, calcitrante, valdeque se movente, humores ad copiosiores affluxum invitantur, vasa sanguifera comprimuntur, sanguis ipse premittitur, atque pressus, ob minorem, quam invenit, resistantiam, facili negotio in haec vascula urgetur, & in stasim ruit inflammatoriam. Ast tunc non contusio, sed foetus irritans causam inflammationis constituet.

§. XX.

At vero, uterus etiam, & quidem frequentius, ob arctissimum cum aliis partibus nexum, sive per consensum, inflammatione corripitur, si nimirum placenta uterina, ipsius fundo vel parti anteriora respicienti adnexa, partim a vi externa, partim vero ab embryo solum reagentem, ita comprimitur, contunditur atque adficitur, ut in ea stasis sanguinis oboriatur. Quando enim placenta, ex meris vasculis & fibris musculosis constans, non vero aequè, ac uterus, spongiosa & sinuosa, ab irritatione qualicunque ad contractionem maiorem exstimulatur, sanguinem in vascula minima cogit, vel sanguis in angustissimis arteriarum finibus, ob copiosum adfluxum atque impeditum per venas regressum, stasim concipere potest inflammatoriam. Deinde, quum placenta satis arcte cum utero cohaereat, eiusque

vasa cum vasculis uterinis continuum quasi consti-
tuant canalem, fieri omnino potest, ut si illa inflam-
mata fuerit, inflammatio postea ad uterum usque
progrediatur, sicque hic simili inquinetur labe.
Quodsi enim sanguinis per hepar illud uterinum
transitus est turbatus ac pene interceptus, debet sa-
ne in ipsius uteri vasis, quae cum vasis placentae
obstructis & inflammatis cohaerent, simul stagnare,
& quidem eo magis faciliusque, quo maior est hu-
morum ad loca inflammata & irritata adfluxus, quo
uberior horum copia, & quo viscidior tenaciorque
& a statu naturali recedens est crasis.

§. XXI.

Praeter haec vero, uterus similiter potest sym-
pathice inflammari, si quando aliae iuxta positae
partes, cum utero continuae, vel huic etiam conti-
guae, a contusione stasin contrahunt inflammatori-
am, & sic premendo, irritando, extendendo, com-
primendo, vel alio modo sanguinis cursum per vasa
uteri minima turbant, remorantur, intercipiunt, si-
stunt; vel uberiores humorum versus hoc viscus
adfluxum inuitant; vel si uterus ipse, propter contu-
sionem debilitatus, vel ob aliam quandam labem
foran acceptam impotens redditus, debite & pro-
portionate resistere, hasque causas remove ac vin-
cere nequit. Tunc autem contusio causa inflamma-
tionis uteri proxima non est, neque etiam hic se-
dem eius constituit primariam.

§. XXIII.

Quo rarior vero est inflammationis in utero
gravi-

gravidæ, a contusione externe illata, genesis, eo
uberior & frequentior est morborum varii generis
chronicorum, qui illam sequuntur, proventus. Vel
enim vascula quaedam minima, laxè cohaerentia, at-
que rupturæ iam fere proxima, rumpuntur, quæ
disrupta plorant cruorem plus vel minus copiosum,
qui intra matricis substantiam effusus, si neque di-
scutitur, neque iterum resorbetur, stagnando in pus,
si lymphæ accedit blanda, convertitur, atque ulce-
ra *a)* abscessumve movet; vel si in loco hoc clauso
pus diu fuit relictum, parte tenuiori per evaporatio-
nem ablata, absorpta atque dissipata, crassior intus ma-
net portio, atque indurescens, tumores ut plurimum
creat duros scirrhusos; vel si humores accedunt
impuri, acres, multisque sordibus scatentes, ibidem
resolvitur, acrimoniam contrahit, in putredinem
abit, vicina sensim inficit, arrodit, consumit & can-
crum aliaque mali moris ulcera producit.

§. XXIII.

Porro quoque inter effectus, contusionem ute-
ro inflictam consequentes, referri meretur humo-
rum in vasis antea iam valde expansis, sicque laxè
cohaerentibus, stagnatio. Corporis enim robur at-
que resistendi vis pendet a debita fibrarum, totum
constituentium, cohaesione. Imminutæ fibrarum
cohaesionis causa inter alias quoque esse poterit ni-
mia earum distractio, quam producere valet contu-
sio. Fibrae autem distractæ atque adeo extensæ,
ut

a) Vid. MVSITANVS Cap. X. p. m. 450. SENNERTVS Lib. IV.
Sect. I. Cap. VIII. RIVERIUS Tom. II. Lib. XV. Cap. VIII.

ut rupturae proximae sint, debiliores evadunt, adeoque corpori in ipsas agenti debite resistere nequeunt. Quae vero cum ita sint, vasa sanguifera, ex eiusmodi fibris contexta & ad resistendum inepta, maiorem, quam par est, sanguinis quantitatem admittunt, eandem ulterius propellere nequeunt, ut ideo humorum stagnatio, vasorum maior dilatatio & expansio, viscerisque sic constituti infarctus, atque aliae ab his pendentes calamitates citato, ut aiunt, pede sequantur.

§. XXIV.

Neque infrequens est *scirrhi uteri* ex eiusdem contusione genesis. Sanguis enim, in minoribus uteri vasculis eorumque finibus ac extremitatibus stagnans, successu temporis spissitudinem contrahit atque indurescit, ut parva, dura & indolentia exsurgant tubercula; quod eo facilius eoque citius contingere potest, quo crassiore, viscidior atque glutinosiore foeminae gaudent sanguine. Sanguinis vero stagnantis spissitudo atque induratio absque inflammatione etiam solet accidere; hinc *scirrhus b)* sine illa praegressa progigni potest. Neque *scirrhus* in glandulis solum generatur, ibique semper sedem habet, sed in aliis quoque partibus atque visceribus vasculosis *c)*, licet rarius, suboritur. Consequentia vero *scirrhi*, in maxime nobili hoc viscere, qualia sint, & quam gravia post se trahant atque iuncta habeant symptomata, res inter Medicos clara est atque testata.

§. XXV.

b) HEISTERVS P.I. Lib.IV. Cap.XVI. §. II.

c) Ibid.

§. XXV.

Non vero solus uterus, verum etiam ipse foetus, quin hic saepe gravius, a contusione vulnerari, aut plane interfici potest. Si enim uterus, foetus domicilium, graviter concutitur, fieri aliter vix potest, quin in foetum ipsum similiter, quem ille gestando fovet arctèque cingit, ingens damnum redundet, ita prorsus, ut hic vel plane enecetur adhuc inclusus, vel tamen, licet vivus excludatur, ad continuandam vitam reddatur ineptus, aut ad minimum labem quandam, per omne vitae curriculum inhaerentem, retineat. Ob tenerrimam enim, qua gaudet, texturam, summamque fibrarum mollitiem, quam facillime, a paulo leviori etiam tactu, pusillum eiusmodi corpus destrui, partes ipsius laxè cohaerentes a se invicem separari, ossæ autem, quæ pene adhuc cartilagineæ sunt, intro premi, sicque ipsa capitis & thoracis contenta aliaque adeo comprimi possunt, ut mors inde ex necessitate consequi, vel læsione non tam gravi existente, prava saltem corporis constitutio emergere debeat. Et quidem foetus eam ob causam magis faciliusque, ac ipse uterus, læsionem pati potest, quia ossæ eiusdem partes, maiorem cohaesionem habentes, seu duriores, magis quam uteri viscus, externæ actioni resistunt, quæ ideo in tenellum maior esse solet, quam in uterum ipsum. Et licet aquis innatans fluctuet in matricis cavo, & ab uteri parietibus ipsisque abdominis integumentis obtegatur & muniatur, hæc tamen ad vim arcendam, actionem infringendam foetumque a læsione tuendum, minime sufficiunt.

§. XXVI.

Abortum denique, vel *praematuram foetus exclusionem*, a contusione abdomini inflicta saepissime oriri & promoveri, vel lippis tonsoribusque notum est, & creberrimis auctorum observationibus confirmatur. Neque etiam mirum, quod contusio, huic visceri inflicta, talem praestet effectum. Abortus enim, vel praecocis foetus exclusionis *causam immediatam* seu *proximam* perquirentes, observamus, eam in placentae uterinae violenta ab utero separatione, per spasmum excitata, praecipue esse repositam. Atque ipsa haec placentae avulsio spasmodicam postea uteri constrictionem, expulsionis foetus causam, tamquam effectum producere, vel uteri spasmum, antea iam praesentem, adaugere valet. Si enim uterus, a spasmu, per qualemcumque causam suscitato, & quidem in latere placentae opposito vigente, contrahitur, facili fieri potest negotio, ut fibrarum placentae, laxae cum utero cohaerentium, avulsio, ipsiusque placentae contingat separatio. Placentam ab utero separatam, vasisque disruptis, sanguis extra ruit in uteri cavitatem, & primo quidem huius parietes admodum extendit, dein vero ad producendum spasmum haud levem proritat, unde orificium uteri aperitur, & tum humores, in ipsius cavo contenti, effluunt, tum ipse foetus a vinculis liberatus expellitur.

§. XXVII.

Causae vero mediatæ, quae *placentae avulsionem* excitant, ita quam maxime (modo inopiam seu defectum sanguinis & succi nutritii excipias) sunt compa-

comparatae, ut non immediate in ipsum hepar uterinum, sed mediante tantum utero in illud agant, uteri scilicet vasa extendendo, quod inprimis exuberans & turgescens humorum copia, quam plethoram nuncupant, efficere potest. Hanc distensionem postea sequitur spasmodica fibrarum uterinarum constrictio, tamquam perpetua distensionis vasorum pedissequa, atque ipsa placentae avulsio. Similem porro effectum praestare possunt omnes illae res, quae, una cum toto genere nervoso, uterum ad spasmodicas concitare valent stricturas, qua virtute polent vehementes animi adfectus, universum systema nervosum spastice constringendo, motum humorum velociorem efficiendo, vel hos a peripheria ad centrum repellendo. Dein pariter vehementem humorum orgasmum excitant, solidasque nervosomembranaceas partes stimulando, proxime eiusmodi effectum producere possunt remedia sic dicta *ecbolica* seu *abortiva*, item vehementiora emetica, drastica purgantia, convulsivi & epileptici motus, aliaque plura. Atque haec omnia mediante utero agunt in eius placentam, exceptis contusionibus paulo gravioribus, aliisve extrinsecus illatis violentiis, quippe quae immediate agere valent in ipsam uteri placentam.

§. XXVIII.

Actionem namque in uterum externe illatam sequitur tum uteri, tum ipsius pusilli, in arvi muliebris cavo fluctuantis, reactio; sub hac foetus versus locum seu latus adfectum convertitur, ut hinc villorum placentae fiat distensio, eorundemque cum utero laxè cohaerentium facillima ruptio & avulsio;

qua autem facta, secus fieri haud potest, quin vasa uterina, copioso sanguine turgida, eundem in uteri effundant cavitatem, qui dein una cum foetu, sub his circumstantiis plerumque moriente, tam latera uteri premit, quam carneas eius fibras ad motus vehementes spasticos proritat, vel hos iam praesentes adauget, ut constrictum & ab omni latere pressum hoc viscus, aperto orificio interno, primo cruorem contentum, eumque vel fluidum, vel quiescendo in grumos concretum, postea vero, laxata & patentiori facta apertura, ipsam embryonis seu foetus sarcinam protrudat.

§. XXIX.

Quum vero non semper, neque omnes gravidæ embryonis aut foetus violentam & praematuram experiantur exclusionem, sed plures gravidarum omnes causas §. XXVII. relatas, quin imo ipsam contusionem perpeßam, impune ferant, non alienum fore arbitror, in peculiaris huius eventus rationem inquirere, quae, me quidem iudice, in singulari uteri ad abortiendum dispositione residet. Haec autem rursus in nimia fibrarum musculosarum, & vasorum uteri elasticorum imbecillitate seu atonia, vel in iusto laxiori villorum placentae cum utero cohaesione simul, consistere videtur. Si enim contusionem paulo attentius consideramus, deprehendimus, quod haec ipsa, in uteri substantiam musculosam & vasculosam agendo, vasa extendat, comprimat, irritet atque copiosorem humorum adfluxum concitet, ut inde venarum a sanguine copiosius irruente distensio, irregularis humorum per hoc viscus progressus, & spastica

stica in variis uteri partibus constrictio sequatur. Vasa igitur si debito gaudent robore, irrudentibus his malis proportionate resistere ac causas has superare valent, ut nulla osculorum apertio, nullaque cruoris extravasatio, quae spasmodum & placentae avulsio- nis causa est, fieri queat. Quodsi vero substantia te- nera & admodum relaxata, ad spasmos suscipiendos ac continuandos prona, neque humoribus adfluenti- bus decenter resistere, neque irregularem humorum per uterum progressum in ordinem redigere, neque etiam spasmos vincere valet, sed vi cedere cogitur, tunc communiter eveniunt confectionaria §. praeced. relata, abortus nimirum, vel praematura foetus ex- pulsio, cum reliquis fonticis symptomatibus.

§. XXX.

Ex huc usque descriptis, effectus contusionis uteri concernentibus, probe ponderatis, prono fuit alveo, quod contusio abdomini uteroque inflicta, & partus difficilis, & foetus retenti causa, licet non pri- maria & proxima, tamen προηγμένη & προκαταρκτική evadere queat, idque potissimum utero labem indu- cendo, eundemque ob destructionem, quam inferre valet, impediendo, quo minus rite ac debite se con- trahere, foetusque exitum per compressionem pro- movere possit. Si enim vel dilaceratus a contusione fuerit uterus, vel parum modo, & maxime transver- sim, disruptus, tum sane, ob seriem & connexionem fibrarum sublatam, neque sese versus omnes plagas contrahere, aut contractionem versus orificium con- tinuare, neque etiam orificium ipsum ampliari & di- latari, foetusque excludi poterit, sed pusillus potius

in abdominis cavum, patula hic facta porta, abibit. Atque hoc pariter de ceteris malorum, utero contusione inductorum generibus, valebit; siquidem uterus vel inflammatione correptus, vel gangraenosus, vel scirrhusus, aut alia quadam labe adfectus, semper in officio suo mirum turbatur, constrictio eius ad exturbanda contenta praepeditur, via ad exeundum naturalis, ob tumorem, praeccluditur, adeoque foetus omnino retinetur, vel hic ipse irritatus, situm mutando consuetum in minus convenientem, valde difficilem reddit partum, & quae sunt huius generis plura.

§. XXXI.

Quum igitur contusiones, muliebri huic visceri inflictae, tam magni sint momenti, tamque periculosa & saepe mortifera cieant symptomata, numquam profecto, quod iterum iterumque monendum puto, erunt vilipendendae, licet etiam primo intuitu videantur leves, aut nullum externum violentiae adpareat vestigium, nullusque dolor, vel saltem exiguus, observetur. Uteri enim textura adeo est delicata & intricata, eiusque constitutio, in statu praesertim graviditatis, tam exquisita, ut foecundissima morborum & pertinacissimorum malorum facillime existat causa. Hinc ante omnia aurea illa & arcani instar habenda regula: **PRINCIPIIS OBSTA!** serio erit inculcanda probeque tenenda, ut clinicus accersitus, omni seposita cunctatione, quia periculum hic in mora, quantocyus occurrat consiliis & remediis, secundum indicationes proficuis ac necessariis, ne cunctando, vel, quod peius, necessaria plane omitiendo, ex leviori gravior, & ex simplici compositus, vel plane per accidens lethalis evadat morbus, sicque

sicque & ipsa mater & pusillus simul de vita periclitentur.

§. XXXII.

His omnibus debite expositis, haud abs re fore arbitramur, si pauca quaedam ad *curationem* spectantia, licet modo generalia, addamus. Quodsi itaque, post vehementem uteri ictum aut contusionem, laesionis suspicio adest, tunc nihil prius nihilque posterius haberi debet, quam ut tentetur sanguinis resolutio, atque hac ratione suppuratio, gangraena & alii truculenti praecaveantur effectus. Resolutio vero obtinetur, dum extravasati auferuntur humores sine ulteriori vasorum & partium laesione: quod quidem perficitur, stagnantem extravasatam portionem reddendo fluidam, dein vasa ad absorbendum vicina laxando, eademque tandem evacuando, ut absorbere queant.

§. XXXIII.

Primum itaque ac palmarium, simulque efficacissimum erit *indicatum*, sanguinis e vena secta detractio. Hac enim obtinetur, ut nimia humorum moles, seu, ut vulgo loqui amant, plethora imminuatur, vasa depleantur, extravasatus cruor a venis absorbeatur atque absumatur, vasa a vi perpeffa debilitata non amplius diducantur, atque ipsa, si nondum adest, inflammatio arceatur, vel praesens forsitan extinguatur & ulterior eius progressus praecaveatur. Proxime dein cum fructu iniiciendum statuo clyisma, quod similem praestat effectum, simulque spasticam fibrarum & vasorum strictionem demulcendo & exsurgentem calorem temperando insigniter prodest. Tum ea, quae ob contusionem stagnarunt, per sacculos, fomenta & cataplasmata, emollientibus nupta, sunt digerenda atque resolvenda, hisque ut plurimum, ceteris paribus, suppuratio, corruptio & gangraena atque alia optime arcentur mala.

§. XXXIV.

40 *De Contusione uteri eiusque effectibus in gravida.*

§. XXXIV. Atque hactenus quidem proposita externa, si iam praesentibus, vel postea accedentibus symptomatibus gravioribus, nondum effectum praestent desideratum, vel quando mala quidem pristina sensim imminutaprehenduntur, aut satis graviter adhuc adfligere perseverant, vel nova illis sese adsociant; tunc omnino iteranda erit sanguinis ventilatio, praesertim si plethorica fuerit foemina, sanguinemque in venis alat crassum & multis particulis heterogeneis scatentem. Idem hoc similiter valet de enematibus, cataplasmatibus & fomentis, quibus graviter atque assidue insistendum, donec malum omne sit sublatum.

§. XXXV. His simul iungenda erunt interna stasin resolventia & discutientia, cavendo tantum ab acris & calefacientibus. Multo magis autem profunt quae nimium humorum orgasmum temperant, humidum forsan dissipatum, per potus tenues, leves, subacidos, restituunt, putredinique resistunt. Praeter haec quoque insimul foetus imbecillitati, matrisque viribus labascentibus subveniendum erit analepticis, eaque in usum vocanda methodus, quae secundum individuorum constitutionem aliasque circumstantias optima & convenientissima iudicatur.

§. XXXVI. Denique decubitus sit supinus, vitentur omnia, quae flatus procreant sanguinemque commovent, aut nimium refrigerant. Praesertim quoque pedes cum dorso & abdomine a frigore probe defendantur, aegrotaque aëre puro & temperate calido utatur, & tam animi pathemata, quam reliqua omnia, malum deterius reddentia, cane peius & angue fugiat. Sic enim arcebitur, iuvante DEO, vitae ac salutis nostrae instauratore benignissimo, misere eiusmodi adflictae praematurus vivendi

F I N I S.

Pag. 18. lin. 20. pro *Nam* leg. *Non*.

— 22. lin. 3. post vocab, *reddere* adde: *non*.